

Reverendissimo ac Celsissimo Principi

FERDINANDO

EPISCOPO PADERBORNENSI

ET MONASTERIENSI,

BURGGRAVIO STROMBERGENSI,

S. R. I. PRINCIPI,

COMITI PYRMONTANO,

DYNASTÆ IN BORCKELO,

ET LIB. BARONI

DE FURSTENBERG,

Domino meo Clementissimo.

NON erit mihi, opinor, fraudi
PRINCEPS Celsissime, quòd Chri-
stophori Broweri, viri è Societate
Jesu quondam doctissimi, qui Vitam Mein-
werci è tenebris primùm erutam & eruditiss-
scholij illustratam, Propatruo Tuo Theo-
Furstenbergio Episc. & Principi Pader-
bornensi dedicavit, exemplum secutus, novã
illius editionem illustrissimi nominis Tui lu-

ce insigniverim. Non enim debebat in aliud
nomen & familiam publicè transire hic libel-
lus, qui hereditario velut jure jam Tuus erat;
qui in Tuo olim fundo natus, Te auctore ac
jubente recensitus, & ad fidem autographi
castigatus, Tuo denique nunc sumptu inte-
rior in lucem prodit. Sic igitur mihi per-
suasum habeo, PRINCEPS Celsissime, quòd
aliorum quidem sine numero clarissimorum
virorum æternum victura ingeniorum mo-
numenta Tibi consecrata, nominis Tui glo-
riam immortalitati commendabunt; ab hu-
jus verò libelli tutelâ præcipuam pietatis cle-
mentiarque laudem sis consecuturus. Neu-
husij, XII. Kal. Jan. MDCXXCI.

Celsitudini Tuae

Devotissimus

ADOLPHUS OVERHAM.

Reverendissimo & Illustrissimo Principi
ac Domino.

D. T H E O D O R O

D. G. Paderbornensis Ecclesiae Episcopo,
Sacri Romani Imperij Principi,

DOMINO CLEMENTISSIMO.

UTrara Phœnix avis, & non nisi quinto quoque
saeculo ex rogo suo renascens, Indiae viciniam,
& cedrinamora in Libano permeare dicitur, & vix
se credere oculis mortalium; ita etiam certis interval-
lis Dei optimi parentis summo beneficio, viri quidam
heroicis virtutibus excellentes, humani generis com-
modo exoriri, & tanquam Phœnices rari apparere so-
lent; qui vel Ecclesiae praclarè consulant, vel Remp-
cum laude, & multorum insigni utilitate, feliciter, &
tranquillè gubernent. In his ego Meinvercum nume-
rare non verear, ornatissimum cum alijs virtutum in-
signibus Paderbornensis Ecclesiae Pontificem; tum hoc
supra ceteros omnes, qui multis retro annis eum ante-
cesserunt eximium, quod civitatem, & sedem, quam,
templo exusto, nactus erat inopem, & afflictam, sic opi-
bus ac operibus ornarit, ut quod de quodam dicitur, ex
cristia fecerit marmoream, id est ex lutea, & rude-
ribus immersa, cultam & splendidam. Sed Clerum,
quem censu mediocre, & exemplis ac disciplina pro-
pmodum nactus erat orbem, idem quoque locupleta-

D E D I C A T I O.

xit, non solum vectigalibus, sed Bustorpiano à fundamētis exstructo, fundatoque novo Collegio, auxit; quin & Cluniaco ab usque Burgundia præclaris morum institutis ad se vocatis Monachis, & peramplo cum basilica ijs constituto domicilio, omnes suos iuuit, rarissimis pietatis exemplis. De populo quid dicam? cuius ut salutem tueretur & tranquillitatem, mœnibus oppidum cinxit, leges civibus optimas dedit, stipe multa, & liberalitate egentium inopiam sublevavit. Jam etiam de litterarum studijs, & optimarum artium cultu num tacebo, cum Meinverci atate Paderbornensis Clerus gymnasium habuerit, præstantium ingeniorum laude, & doctrinarum usu florentissimum?

Denique, ut in pauca rem conferam, Meinvercus is Sacerdos, & Episcopus fuit, cuius opera, studio, munificentia, pietate, & religione, perfectum est, ut ubi morum barbaries, & agrestis hominum austeritas olim domicilium collocarant, istuc, virtutis cultus, & humanitas eruditione juncta, mutatis quasi sedibus, commigrasse videretur. Qua quidem cum in Meinverco magna sint, ut certè sunt, haud profecto decuit, ejus Pontificis claritatem, à quo decora, & merita tanta, in Paderbornensem Ecclesiam profecta sunt, diutius, aut tenebris oblitescere, aut oblivione inobscurari. Quin, ut ipse prodiret ultro, hoc facilius eum exorari posse, confisus sum; quia atatum hoc intervallo, te Illustissime Princeps, & Reverendissime Præsul, cenrenatum alterū Meinvercum, & tanquam ejus Ecclesia Phœnicem agnosceret, & sibi ac Clero populoque, palinguesiam illam gratularetur. Enimvero, ni pudor mihi modum

DEDICATIO.

modum statueret, & tua, Reverendissime Prasul, modestia, officij admoneret, ex te ipso possim omnia, que in Meinwercum cadunt, laudis argumenta contexere, & in latissimum inde campum prædicationis virtutum tuarum excurrere. Ecclesia jacentes fortunas sublevatas, Clerum auctum vectigalibus, splendidum, & amplum Societati nostræ Collegium positum fundatumque; idque addita Probationis domo, & Academia illustratum. Erecta, quæ prostrata prope jacebant, a vitæ pietatis, & ingenuarum artium studia. Civitatem improborum machinatione perditam prope, manu bellica recuperatam, & feliciter legibus suis restitutam. Denique novas arces, plena dignitatis ampla exstructa domicilia; ararium, quod antea nullum, parsimonia, & nullius jactura copiosum; rem familiarem, nec sumptu inutili dilapsam, nec luxu imminutam, sed munificè, & fructuosè expensam: quid aliud inquam hæc omnia, nisi reviviscentis Meinwerci meritorum testata quedam, & clarissima documenta sunt? Sed ne nimium auribus tuis Illustrissime Princeps dedisse videar, alijs hæc commemoranda relinquo. Illud quidem hoc perenni lucubrationis munusculo efficere conatus sum, ut Reverendissime & Illustrissime Patronus intelligeres, quæ singularia & maxima in Societate nostram beneficia contulisti, eorum memoriam, non istius tui Collegij præteritis concludi, sed omnium nostrum, quotquot Societati nomen dedimus, animo gratissimo recoli, & conservari. Fulde XXV. Augusti, Anno MDCXIV.

Celsitudinis Vestræ

Devotissimus

Christophorus Browerus.

FACULTAS SUPERIORIS.

EGO Ferdinandus ab Erwitte
Imperialium ac liberorum Mo-
nasteriorum Werdinensis & Helm-
stadiensis Ord. S. Benedicti Abbas,
facultatem concedo *Adolpho Over-*
ham dictæ Abbatix Werdinensis
Monacho, typis edendi *Notas in Vi-*
tam B. Meinoverci Episc. & Obser-
vationes in Vitas SS. Meinulphi & Hei-
meradi. Dat. Werdenæ, 25. Octobr.
1681.

FERDINANDUS ABBAS.

A P P R O B A T I O.

HÆc Scholia & *Notæ in Vitam B.*
Meinoverci Episc. & Obser-
vationes in Vitas SS. Meinulphi & Hei-
meradi utiliter imprimuntur. Neu-
hufij 10. Decemb. 1681.

LAURENTIUS à DRIPPE SS. Theol. Lector
Celsiss. & Reverendiss. Ep. ac Principis Paderb.
Consiliar. Vicarius in Spiritualibus Generalis
& ordinarius librorum Censor.